

上清衆真教戒德行經卷下

經曰昔有劉少翁曾數入太華山中拜禮向山如此二十年遂忽一旦得見西嶽又人授其仙道又曰昔有一人數旦詣河邊拜河水如此十年河侯河伯遂與相見與其白壁十雙教授水行不溺法此人見在中嶽得道又曰左慈初來亦勤心數拜禮靈山五年許乃得進內外東西宮耳又曰學道當如山世遠去人事當如清靈真人步深幽當如周紫陽何有不得道邪又曰建志當令勤研神當令虛所為所作當令密又曰中茅山東有小穴穴口才如狗實劣容人入耳愈入愈闊外以磐石掩塞穴口故餘有小穿如杯大使山靈守衛之此磐石亦時開發耳謂之陰宮之阿門子勤齋尋之得從此而入易於良常洞口良常洞口其中多沙路曲僻經水處不大便易又道路遠不如小阿穴口直下三四里便徑至陰宮東玄掖門入此穴口二百步便朗然如晝日又曰大茅山亦有小穴在四面相似如一謂之南便門亦以石填穴口但精

齋向心於司命又常以二日登山延迎請祝自然得見也吾誠之至矣陰宮何不足觀乎左慈復何人耶

茅司命曰若必乾玄秉象清淨罕時遂後羣幽藻戢翼高棲感味上契淵停嶽峙蕭家至篇翫寶神生遺放俗戀調彈清靈澄景虛中五道發明色絕化液欲與澹并空洞冥衢無視無聽爾乃遠齊妙真重起玄覺明德內圓靈標外足矣終能策雲駟以赴霄書司命之丹錄耳若精散萬念為生不固氣隨塵皮心不真舍適足勞身神於林岵實有誤於來學也其道微而易尋其道艱而難得也上真司命南嶽魏夫人曰昨與茅司命詣清虛宮校為真仙得失之事耳近頓除落四十七人却復上三人爾并復視爾輩之名簡也如今往耳許邈乃得在伯札中吾初不悟其如此此益好也其洗心勤邁宗注理盡心丹意竭如履水大若久如此者真人亦不得逃矣仙道亦不得隱矣但當抑斷其姓色之念吾等即可得見可疏示之定錄曰伯舉在於

下官耳太上老子將復可念江東人未見有如斯而勤道者然未足恃伯而忘道也又曰虛妄者德之病華術者身之災滯者失之首恥者體之為遺此四難然後始可以問道耳於是靈軫鳴轅日有髮髯也有姪怒之心勿以行上真道也昨見清虛宮正落除此輩人名而方又被考以度付三官推之可不慎乎右南嶽夫人告清靈真人曰悵心既忘得亦不同鄙恥不除生籍不書許長史雖已暫除當得會除而復書之

南嶽夫人曰東卿司命甚知許長史之慈肅小有天王昨問此人今何在修何道東卿答云是我鄉里士內明真正外混世業乃良才也今修上真道也此語乃稱人意略有伯形也

紫陽真人曰可令許王奔數沐浴濯其水疾之氣也消其積考之癭也亦是致真之階紫微夫人曰沐浴不數魄之性也連魄反天鍊其濁穢魄自亡矣雲林右英夫人曰連滯若救窮行德不亦甚

佳乎不患德之不報所患種德之不多耳此一行則似乎佃福田也萬事云云皆觸類矣右英夫人曰自古及今死生有律顯嘿異會藏往誠智與世同之者皆得道之行也若夫瓊丹一御九華三飛雲液晨酣流黃徘徊仰嚙金漿咀嚼玉髓者立便控景登空玄昇太微也自世事乖玄斯業未就便當暫履太陰潛生冥鄉外身棄質養胎虛宅陶氣絕為受精玄溟故改容於三陰之館童顏於九鍊之戶然後知神仙為奇死而不亡去來之理事之深也。

茅定錄曰鳳巢高木素衣杉然履順思克疑心虛玄五公石腴彼體所便急宜服之可以少顏三八今明次行玄真解駕偃息可謂洞篇瓊刃應數精心高棲隱嘿沈閉正氣不虧未散除病是爾所宜次服飯兼穀勿違益隨除患肥膚充肌然後登山詠洞講微寅獸白齒爾乃見機遂得不死過度壬辰偃息盛木玩執周書太極植簡金名西華學服可否息應靈符理異契同神洞相求

茅保命曰遇言必可用不用是無情焉得駕欵迹尋此空中靈微音良有旨當用慎勿輕事事應神機保爾見太平

上清眾真教戒德行經卷下

正一天師清微弟子 洪百堅 製作
道教學術資訊網站

洞玄靈寶天尊說十戒經
天尊言善男子善女人能發自然道意來入法門受我十戒十四持身之品則為大道清信弟子皆以勇猛飛天齊功於此時進心不懈退者即超凌三界為上清真人

一者不殺當念眾生二者不得妄作邪念三者不得取非義財四者不欺善惡反論五者不醉常思淨行六者宗親和睦無有非親七者見人善事心助歡喜八者見人有憂助威作福九者彼來加我志在不報十者一切未得我[○]不有望

次說十四持身之品

與人君言則惠於國與人父言則慈於子與人師言則愛於眾與人臣言則忠於上與人兄言則友於弟與人子言則孝於親與人友言則信於交與人夫言則和於室與人婦言則貞於夫與人弟言則恭於禮與野人言則勤於農與賢人言則志於道與異國人言則各守其域與奴婢言則慎於事
天尊言曰修奉清戒每合天心常行大慈願